

全唐詩



全唐詩目 第四函

第八冊

劉方平 一卷

劉太真

袁儻

崔何

王緯

郭澹

高儻

李岑

蘇寓

袁邕

李紆

于邵 共二卷

王之渙

王防

薛據

姚係

令狐峘

滕珣 共一卷

常袞

褚朝陽 共一卷

蘇源明

鄭虔

畢耀

韋濟

田登

沈東美

蘇渙 共一卷

劉春虛 一卷

息夫牧

宋華

鄒象先

韋建

殷寅

柳中庸 共一卷

崔惠童

崔敏童

苗晉卿

賈旣

趙居貞

蕭華

李岑

元友讓

蔣冽

蔣渙

段懷然

張侁

陳孫

李峰 共一卷

沈千運

王季友

于湫

張彪

趙徵明

元季川 共一卷

秦系 一卷

任華

魏萬

崔宗之

崔成甫

全唐詩

劉方平

劉方平河南人邢襄公政會之後與元德秀善不仕詩一卷

式宛轉歌二首

星參差明

一本無明字

月二八燈五枝黃鶴瑤琴將別去芙蓉

羽帳惜空垂歌宛轉宛轉恨無窮願為潮

波作

與浪俱起

碧流中

曉將近黃姑織女銀河盡

一作隱

九華錦衾無復情千金寶

鏡誰能引歌宛轉宛轉傷別離願作楊與柳同向玉窗

垂

烏栖曲二首

蛾眉曼臉傾城國，鳴環動佩新相識。  
銀漢斜臨白玉堂，芙蓉行障掩燈光。

畫舸雙艚錦爲纜，芙蓉花發蓮葉暗。  
門前月色映橫塘，感郎中夜度瀟湘。

巫山高

楚國巫山秀，清猿日夜啼。  
萬重春樹合，十三碧峰齊。  
峽出朝雲下，江來暮雨西。  
陽臺歸路直，不畏向家迷。

巫山神女

神女藏難識，巫山秀莫羣。  
今宵爲大雨，昨日作孤雲。  
散漫愁巴峽，徘徊戀楚君。  
先王爲立廟，春樹幾氛氲。

梅花落

新歲芳梅樹繁一作苞

一作苞

四面同春風吹漸落一夜幾枝空

少

一作少

婦今如此長城恨不窮莫將遼海雪來比後庭中

銅雀妓

遺令奉君王嗚蟻強一妝歲移陵樹色恩在舞衣香玉  
座生秋氣銅臺下夕陽淚痕霑井榦舞袖爲誰長

秋夜思

一作淮上秋夜

旅夢何時盡征途望每賒晚秋淮上水新月楚人家

猿嘯空山近鴻飛極浦斜明朝南岸去言

一作定

折桂枝花

秋夜泛舟

林塘夜發舟蟲響秋颼颼萬影皆因月千聲各爲秋歲

華空復晚鄉思不堪愁西北浮雲外伊川何處流

折楊枝

官一作空

渡初楊柳風來亦動搖武昌行路好應為最長條

葉暎黃鸝夕花繁白雪朝年年攀折意流恨入纖腰

班婕妤

一作婕妤好怨

夕殿別君王宮深

一作深

月似霜人幽

一作愁

在長信螢出向昭

陽露浥紅蘭濕

一作死

秋凋碧樹傷惟當合歡扇從此篋中

藏

新春

南陌春風早東隣曙色斜一花開楚國雙燕入盧家眠  
罷梳雲髻妝成上錦車誰知如昔日更浣越溪紗



寄嚴八判官

洛陽新月動秋砧  
瀚海沙場天半陰  
出塞能全仲叔策  
安親更切老萊心  
漢家宮裏風雲曉  
羌笛聲中雨雪深  
懷袖未傳三歲字  
相思空作隴頭吟

秋夜寄皇甫冉鄭豐

洛陽清夜白雲歸  
城裏長河列宿稀  
秋後見飛千里鴈  
月中聞擣萬家衣  
長憐西雍青門道  
久別東吳黃鵠磯  
借問客書何所寄  
用<sub>一作</sub>心不啻兩鄉違

寄隴右嚴判官

副相西征重<sub>一作</sub>日  
蒼生屬望晨還同  
周薄伐不取漢和親  
虜陣摧枯易王師  
決勝頻高旗臨鼓角  
太白靜風塵赤

狄爭歸化青羌已請臣遙傳聞外美盛選幕中寶玉劔  
光初發冰壺色自真忠貞期報主章服豈榮身邊草舍  
風綠征鴻過月新胡笳長出塞隴水半歸秦絕漠多來  
往連年厭苦辛路經西漢雪家擲後園春誰念煙雲裏  
深居汝潁濱一叢黃菊地九日白衣人松葉疎開嶺桃  
花密映津縑書若有寄爲訪許由鄰

擬娼樓節怨

上苑離離鶯度昆明暮暮蒲生時光春華可惜何須對  
鏡含情

採蓮曲

落日晴江裏荆歌豔楚腰採蓮從小慣十五即乘潮

長信宮

夢裏君王近宮中河漢高秋風能再熱團扇不辭勞

京兆眉

新作蛾眉樣誰將月裏同一作自來凡幾日相效滿城中

春雪

飛雪帶春風裴回亂繞空君看似花處偏在洛陽東

望夫石

佳人成古石蘇駁覆花黃猶有春山杏枝枝似薄妝

送別

華亭霽色滿今朝雲裏檣竿去轉遙莫怪山前深復淺  
清淮一日兩迴潮

夜月

更深月色半人家，北斗闌干南斗斜。  
今夜偏知春氣暖，蟲聲新透綠窗紗。

春怨

紗窗日落漸黃昏，金屋無人見淚痕。  
寂寞空庭春欲晚，梨花滿地不閉門。

代春怨

朝日殘鶯伴妾啼，開簾只見草萋萋。  
庭前時有東風入，楊柳千條盡向西。

全唐詩

劉太真

劉太真宣州人師蕭穎士天寶末舉進士大曆中拜起居郎歷臺閣自中書舍人轉工部刑部二侍郎坐事貶信州刺史貞元四年重九賜宴曲江亭帝製詩序賜羣寮各一本命簡文詞之士應制同用清字明日於延英門進之於是朝臣畢和上自考定以太真李紆等為上等集三十卷今存詩三首

宣州東峰亭各賦一物得古壁苔

同賦袁德崔何王緯高儉李宏蘇富

表豎  
孤澹

萋萋温寒泉綿綿古危壁光含孤翠動色與暮雲寂深

淺松月間幽人自登歷

顧十二況左遷過韋蘇州房杭州韋睦州三使  
君皆有郡中燕集詩辭章高麗鄙夫之所仰慕  
顧生既至留連笑語因亦成篇以繼三君子之  
風焉

寵至乃不驚罪及非無由奔迸歷畏途緬邈赴偏陬一作荒  
牧此彫弊毗屬當賦斂秋夙興諒無補旬暇焉敢休前  
日懷友生獨登城上樓迢迢西北望遠思不可收今日  
車騎來曠然銷人憂晨迎東齋飯晚度南溪遊以我碧  
流水泊君青翰舟莫將遷客程不爲勝境留飛札謝三  
守斯篇希見酬

貢院寄前主司蕭尚書聽一作品

渭詩

獨坐貢闈裏愁心芳草生  
山公昨夜事應見此時情

袁倬

袁倬官御史中丞兵部侍郎詩二首

東峰亭同劉太真各賦一物得垂澗藤

寒澗流不息古藤終日垂  
迎風仍未定拂水更相宜  
新花與舊葉惟有幽人知

喜陸侍御破石埭草寇東峰亭賦詩

古寺東峰上登臨興有餘  
同觀白簡使新報赤囊書  
幾處閑烽堠千方慶里閭  
欣欣夏木長寂寂晚煙徐  
戰罷言歸馬還師賦出車  
因知越范蠡湖海意如何

崔何

崔何官御史詩二首

東峰亭各賦一物得嶺上雲

佇立增遠意中峰見孤雲溶溶傍危石片片宜夕曛漸  
向羣木盡殘飛更氤氳

喜陸侍御破石埭草寇東峰亭賦詩

絕景西溪寺逶延近郭山高深清扁外行止翠微間江  
澈煙塵靜川源草樹閑中丞健步到柱史捷書還一戰  
清戎越三吳變險艱功名麟閣上得詠入秦關

王緯

王緯官給事中詩二首



東峰亭各賦一物得幽徑石

片石東溪上陰崖剩阻修雨餘青石靄歲晚綠苔幽從  
來不可轉今日爲人留

喜陸侍御破石埭草寇東峰亭賦詩

蜂蠆聚吳州推賢奉聖憂忠誠資上策仁勇佐前籌草  
木成鵝鶴戈鋌復斗牛戎車一戰後殘壘五兵收野靜  
山戎險江平水面流更憐羈旅客從此罷葵丘

郭澹

郭澹天寶大曆間人詩二首

東峰亭各賦一物得臨軒柱

青青芳桂樹幽陰在庭軒向日陰還合從風葉乍翻共

看霜雪後終不變涼暄

喜陸侍御破石埭草寇東峰亭賦詩

介胄鷹揚出山林蟻聚空忽聞飛簡報曾是坐籌功迥  
夜昏氛滅危亭眺望雄茂勲推世上餘興寄杯中喜色  
煙霞改歡忻里巷同幸茲尊俎未飲至又從公

高倬

高倬天寶大曆間人詩一首

東峰亭各賦一物得林中翠

杳靄無定狀霏微常滿林清風光不散過雨色偏深幽  
意賞難盡終朝再招尋

李岑

李岑天寶大曆間人詩一首

東峰亭各賦一物得棲煙鳥

從來養毛羽昔日曾飛遷  
變轉對朝陽差池棲夕煙  
遇此枝葉覆夙舉冀冲天

蘇寓

蘇寓天寶大曆間人詩一首

東峰亭各賦一物得寒溪草

幕歷溪邊草遊人不厭看  
餘芳幽處老深色望中寒  
幸得陪情興青青賞未闌

袁邕

袁邕天寶大曆間人詩一首

東峰亭各賦一物得陰崖竹

終歲寒苔色寂寥幽思深朝歌猶夕嵐日永流清陰龍  
鍾負煙雪自有凌雲心

李紆

一作舒

李紆字仲舒天寶末拜祕書省校書郎大曆初以吏部  
侍郎李卿薦為左補闕累遷司封員外郎知制誥改中  
書舍人歷禮部侍郎嘗奏享武成王不當視文宣廟又  
奉詔為興元紀功述及郊廟樂章諸所論著甚衆貞元  
中重陽應制詩與劉太真皆為上等今其詩不傳存樂  
章十三首

唐德明興聖廟樂章

唐書禮儀志曰明皇天寶二年三月遣  
尊皇慈為德明皇帝涼武昭王為興聖

皇帝其廟樂第一迎神第二登歌奠幣第三  
迎俎第四酌獻第五亞獻終獻第六送神

迎神

元尊九德佐堯光宅烈祖太宗方周作伯響懷霜露樂  
變金石白雲清風髣髴來格

登歌奠幣

四時有典百事來祭尊祖奉宗嚴禋大帝禮先蒼璧奠  
備黜制於萬斯年熙成帝系

迎俎

盛牲實俎涓選休成鼎燧陽燧玉盥陰精有飴嘉豆既  
和大羹侑以清樂細齊人情

德明酌獻

清廟奕奕和樂雍雍器尊犧象禮屬宗公白水方裸黃  
流在中謨明之德萬古清風

興聖酌獻

闕宮靜謐合樂周張泰尊始獻百末重觴震澹存誠庶  
幾迪嘗遙源之祚天漢靈長

亞獻終獻

惟清惟肅靡聞靡見舉備九成俛終三獻慶彰曼壽胙  
撤嘉薦瘞玉埋牲禮神斯徧

送神

元精回復靈貺繁滋風灑蘭路雲搖桂旗高丘緬邈涼  
部透遲瞻望靡及纏綿永思

讓皇帝廟樂章

迎神

皇矣天宗德先王季因心則友克讓以位爰命有司式  
尊前志神其降靈昭饗祀事

奠幣

惟帝時若去而上仙祀用商武樂備宮懸白璧加薦玄  
纁告虔子孫拜後承茲吉蠲

迎俎

祀盛體薦禮協粢盛方周假廟用魯純牲捧撤祇敬擊  
拊和鳴受釐歸胙既戒而平

酌獻

八音具舉三壽既盟潔茲宗彝瑟彼圭瓚蘭肴重錯椒  
醕飄散降祚維城永為藩翰

亞獻終獻

秩禮有序和音既同九儀不忒三揖將終孝感藩后相  
維辟公四時之典永永無窮

送神

奠獻已事昏昕載分風搖雨散靈衛網緼龍駕帝服已  
一作騰云雲泮宮復闕寂寞無聞

于邵

于邵字相門京兆萬年人天寶末進士登科書判超絕  
授崇文館校書郎歷比部郎中出為巴州刺史時夷獠



聚衆圍州邵遣使諭降儒服出城羣盜羅拜解散節度使李抱玉以聞遷梓州後爲禮部侍郎史館修撰當時大詔令皆出其手貞元中重陽應制詩居次等今不傳存樂章五首

釋奠武成王樂章

唐釋奠武成王舊以文宣王樂章用之貞元中詔于邵補造

迎神

卜畋不從兆發非熊乃傾荒政爰佐一戎盛烈載垂命祀維崇日練上戊宿嚴闕宮迎奏嘉至感而遂通

奠幣登歌

管磬升壇薌集上公進嘉幣執信以通優如及恢帝功錫后邑四維張百度立綿億載邈難挹

迎俎酌獻

五齊絜九牢碩椬糜循蠶竽滌進具物揚鴻勳和奏發  
高靈寂虔告終籙祉錫昭秩祀永無易

亞獻終獻

貳觴以獻二變其終顧此非馨尚達斯衷茅縮可致神  
歆載融始神翊周拯溺除凶時維降祐永絕興戎

送神

明祀方終備樂斯闋黝纁就瘞豆籩告撤脰饗尚餘光  
景云滅返歸虛極神心則悅

全唐詩

王之渙

王之渙并州人兄之咸之貴皆有文名天寶間與王昌齡崔國輔鄭昉聯唱迭和名動一時詩六首

登鶴雀樓一作朱斌詩

白日依山盡黃河入海流欲窮千里目更上一層樓

送別

楊柳東風一作門樹青青夾御河近來攀折苦應為別離多

涼州詞二首

集異記云開元中之渙與王昌齡高適齊名共詣旗亭賞酒小飲有梨園伶官十數人會燕三人因避席

隈映擁爐以觀焉俄有妙妓四輩奏樂皆當時名部昌齡等私相約曰我輩各擅詩名每不自定甲乙今者可以密觀諸伶所謳若詩入歌詞之多者為優初謳昌齡詩次謳適詩又次復謳昌齡詩之渙自以得名已久因指諸妓中最佳者曰待此子所唱如非我詩即終身不敢與子

爭衛次至雙鬟發聲果謳黃河云云因大諧笑語伶  
詰問語其事乃競拜乞就筵席三人從之飲醉竟日

黃河遠

一本次句爲第一句黃  
河遠上作黃沙直上

上白雲間一片孤城萬仞山羌

笛何須怨楊柳春光不度玉門關

單于北望拂雲堆殺馬登壇祭幾迴漢家天子今神武  
不肯和親歸去來

宴詞

長隄春水綠悠悠畎入漳河一道流莫聽聲聲催去櫂  
桃溪淺處不勝舟

九日送別

蘄庭蕭瑟故人稀何處登高且送歸今日暫同芳菊酒  
明朝應作斷蓬飛

閩防

閩防開元天寶間有文名謫官長沙司戶孟浩然有湖  
中旅泊寄閩九司戶詩又嘗與薛據讀書終南豐德寺  
詩五首

晚秋石門禮拜

一作禮佛

輕策臨絕壁招提謁金仙舟車無由一作遊徑巖嶠乃屬天  
躑躅淹昃景夷猶望新弦石門變暝色谷口生人煙陽  
鴈叫平楚秋風急寒川馳暉苦代謝浮脆慙貞堅永欲  
臥丘壑息心依梵筵誓將歷劫願無以外物牽

百丈谿新理茅茨讀書

浪迹棄人世還山自幽獨始傍巢由蹤吾其獲心曲荒

庭何所有老樹半空腹秋蛩鳴北林暮鳥穿我屋棲遲  
樂遵渚恬曠寡所欲開卦推盈虛散帙攻節目養閑度  
人事達命知止足不學東周一作國儒俟時勞伐輻

宿岸道人精舍

早歲參道風放情入寥廓重因息一作經心侶遂果巖下

諾斂跡辭人間杜門守寂寞秋風翦蘭蕙霜氣冷淙壑

山牖見然燈竹房一作曰聞搗藥願言捨塵事所趣非龍蠖

夕次鹿門山作

龐公嘉遯所浪跡難追攀浮舟暝始至抱杖聊自閑雙

巖一作開開鹿門百谷集珠灣噴薄湍上水春容漂裏山焦

原不足險一作足梁壑未成艱我行自春仲夏鳥忽緜蠻

蕙草色已晚客心殊倦一作選遠遊非避地訪道愛童顏

安能徇機巧爭奪錐刀間

與永樂諸公夜泛黃河作

煙深載酒入但覺暮川虛映水見山火鳴榔聞夜漁愛

茲山水趣忽與人世一作疎無暇一作然官燭中流有望舒

句

熊踞庭中樹龍蒸棟裏雲

薛據

薛據河中寶鼎人開元十九年登第尚書水部郎中贈

給事中據與王維杜甫最善子美贈詩云文章開突竇

才力老益神高適贈詩云隱軫經濟具縱橫建安作劉

長卿亦有贈詩皆推重之據爲人骨鯁有氣魄詩十二首

懷哉行

明時無廢人廣廈無棄材良工不我顧有用一作寧自媒

懷策望君門歲晏空遲迴秦城多車馬日夕飛塵埃

伐鼓千門啓鳴珂雙闕來我聞雷雨施天澤一作罔不該何

意斯人徒棄之如死灰一作好臣必劾時禁權不一作開俗

流實驕矜得志輕草萊文王賴多士漢帝資羣才一言

竝拜相片善咸居台夫君一作何不遇爲泣黃金臺

古興

日中望雙一作闕軒蓋揚飛塵鳴珮初罷朝自言皆近臣



光華滿道路意氣安可親歸來宴高堂廣筵羅八珍僕  
妾盡綺紈歌舞夜達晨四時固相代誰能久要津已看  
覆前車未見易後輪丈夫須兼濟豈能一作得樂一身若今  
皆得志肯顧憔悴人

冬夜寓居寄儲太祝

一作恭  
母潛詩

自爲洛陽客夫子吾知音愛義能不士時人無此心奈  
何離居夜巢鳥飛空林愁坐至月上復聞南鄰砧

登秦望山

南登秦望山目極大海空朝陽半蕩漾晃朗天水紅谿  
壑爭噴薄江湖濫交通而多漁商客不悟歲月窮振緡  
迎早潮弭櫂候長一作遠風予本萍泛者乘流任西東茫茫

天際帆棲泊何時同將尋會稽迹從此訪任公

西陵口觀海

長江漫湯湯近海勢彌廣在昔胚渾一作凝融為百川決

長一作地形失端倪天色濳一作混漾東南際萬里極目遠無

象山影乍浮沈潮波忽來往孤帆或不見櫂歌猶想像  
日暮長風起客心空振蕩浦口霞未收潭心月初上林  
嶼幾遭迴亭臯時偃仰歲晏訪蓬瀛真游非外獎

題鶴林寺

道門隱形勝向背臨法橋松覆山殿冷花藏溪路遙珊  
珊寶幡挂燄燄明燈燒遲日半空谷春風連上潮少憑  
水木興暫忝身心調願謝攜手客茲山禪侶饒

初去郡齋書懷

一作初去郡書情

肅徒辭汝穎懷古獨悽然尚想文王化猶思巢父賢時  
移多讒巧大道竟誰傳况是一作疾風起悠悠旌旆懸征

鳥

一作

無返翼歸流不停川已經霜雪下乃

一作

驗松栢堅

回首望城邑迢迢間雲煙志士不傷物小人皆自妍感  
時惟責已在道非怨天從此適樂土東歸知一作幾年

出青門往南山下別業

舊居在南山夙駕自城

一作

闕榛莽相蔽虧去爾漸超忽

散漫餘雪晴蒼茫季冬月寒風吹長林白日原上沒懷  
抱曠莫伸相知阻胡越弱年好棲隱鍊藥在巖窟及此  
離垢氛興來亦因物末路期赤松斯言庶不伐

泊震澤口

日落草木陰舟徒泊江汜蒼茫萬象開合沓聞風水洄  
浴值漁翁竄窳一作逢樵子雲開天宇靜月明照萬里早  
鴈湖上飛晨鐘海邊起獨坐嗟遠游登岸望孤洲零落  
星欲盡臃腫氣漸收行藏空自秉智識仍未周伍胥旣  
仗劍范蠡亦乘流歌竟鼓楫去三江多客愁

題丹陽陶司馬廳壁

高鑿清洞徹儒風入進難詔書增寵命才子益能官門  
帶山光晚城臨江水寒唯餘好文客時得咏幽蘭

古興

投珠恐見疑抱玉但垂泣道在君不舉功成嘆何及

早發上東門

一作恭母澄詩題  
作落第後口號

十五能文西入秦三十無家作路人時命不將明主合

布

一作素

衣空惹

一作染

洛陽塵

句

省署開文苑滄浪學釣翁

紀事云此二句據之詩也子美懷據詩即用為句云獨當省署開文苑兼泛滄浪學釣翁

窮冬時短晷日盡西南天

姚係

姚係宰相崇之曾孫為門下典儀韋應物集有送姚係  
還河中詩或云河中人詩十首

秋夕會友

倦客易相失懼遊無良

一作兼

辰忽然一夕間稍慰闔家貧

白露下庭梧孤琴始悲辛迴風入幽草蟲響滿四鄰會  
遇更何時持杯重殷勤

荆山獨往

宿昔山水上抱琴聊躑躅山遠去難窮琴悲多斷續崑  
重丹陽樹泉咽聞陰谷時下白雲中淹留秋水曲秋水  
石欄深潺湲如噴玉雜芳被陰岸墜露方消綠恣此平  
生懷獨游還自足

五老峰大明觀贈隱者

雲觀此山北與君攜手稀林端涉橫水洞口入斜暉頗  
覺一作覓鸞鶴邈忽為煙霧飛故人清和客默會琴心微丹  
術幸可授青龍當未歸悠悠平生意此日復相違

送周愿判官歸嶺南

早蟬望秋鳴夜琴怨離聲  
眇然多異感值子江山行由  
來重義人感激事縱橫  
往復念遐阻淹留慕平生  
晨奔九衢餞一作棧暮始萬里程  
山驛風月榭海門煙霞一作霧城易  
緇泉源近拾翠沙激明蘭蕙  
一為贈貧交空復情

送陸渾主簿趙宗儒之任

山中眇然意此意乃平生  
常日望鳴臯一作驛遙對洛陽城  
故人吏一作更為隱懷此若一作為蓬瀛  
夕氣冒一作渭巖上晨流瀉  
岸明存亡區中事影響羽  
人情溪寂值援下雲歸聞鶴  
聲及茲春始暮花葛正明榮  
一作想會有攜手日悠悠去無

程

楊參軍莊送宇文邈

秋雲冒原隰野鳥滿林聲愛此田舍事稽君車馬程離  
堂慘不喧脈脈復盈盈蘭葉一一作經霜一作香銷為贈輕燈  
光耿方寂蟲思隱餘一作清相望忽無際如含江海情  
京西遇舊識兼送往隴西

蟬鳴一何急日暮秋風樹即此不勝愁隴陰人更去相  
逢與相失共是亡羊路

古別離

涼風已嫋嫋露重木蘭枝獨上高樓望行人遠不知輕  
寒入洞戶明月滿秋池燕去鴻方一作來至年年是別離

野居池上看月



悠然雲間月復此照池塘  
泣露蒼茫濕沈波澹豔光  
應門當未曙歌吹滿昭陽  
遠近徒傷目清輝靄自長

庭柳

裊裊柳楊枝當軒雜珮垂  
交陰總共密分條各自官  
因依似永久一作夕攬結更傷離  
愛此陽春色秋風莫遽吹

令狐峴

令狐峴德棻五世孫登進士第  
祿山之亂隱居南山豹林谷  
司徒楊綰未仕時亦避地谷  
中嘗止峴舍賞其博學及綰  
為禮部侍郎引入史館建中  
初為禮部侍郎典貢舉執政  
楊炎有所請托峴得其私書  
奏之德宗惡其訐貶衡州別  
駕詩二首

硤州旅舍奉懷蘇州韋郎中

公頻有尺書頌  
積離鄉之思

儒服學從政遂爲塵事嬰銜命東復西孰堪異鄉情懷  
祿且懷恩策名敢逃名羨彼農畝人白首親友并江山  
入秋氣草木彫晚榮方塘寒露凝旅館涼飈生懿交守  
東吳夢想聞頌聲雲水方浩浩離憂何時平

釋奠日國學觀禮間雅頌

肅肅先師廟依依曾子羣滿庭陳舊禮開戶拜清芬萬  
舞當華燭簫韶入翠雲頌歌清曉聽雅吹度風聞澹泊  
調元氣中和美聖君唯餘東魯客蹈舞向南熏

滕珣

滕珣東陽人歷茂王傅太和初以右庶子致仕四品給

券還鄉自珣始詩一首

釋奠日國學觀禮聞雅頌

太學時觀禮東方曉色分威儀何棣棣環珮又紛紛古  
樂從空盡清歌幾處聞六和成達吹九奏動行雲聖上  
尊儒學春秋奠茂勲幸因陪齒列聊以頌斯文

華爾學奏林莫英漢李因胡商侯卿以財漢文

樂於空盡希希幾盡開六味忠事如大表

大學和瑞野東本勢過台短翁可新林眾麻又

野真日個學歸盤開

恭對離自既敬精一首

子致仕四

全唐詩

常袞

常袞京兆人天寶末舉進士歷太子正字寶應二年爲翰林學士考功員外郎中知制誥文章俊拔當時推重永泰元年遷中書舍人累上章陳西北利害代宗甚顧遇之加集賢院學士大曆初拜門下侍郎同平章事與楊綰並掌機務後出爲福建觀察使集十卷今存詩九首

奉和聖製麟德殿燕百寮應制

雲闕御筵張山呼聖壽長玉闌豐瑞草金陛立神羊台鼎資庖膳天星奉酒漿蠻夷陪作位犀象舞成行網已

祛三面歌因守四方千秋不可極花發滿宮香

晚秋集賢院即事寄徐薛二侍郎

穆穆上清居沈沈中祕書金鋪深內殿石甃淨寒渠花  
 樹臺斜倚空煙閣半虛縹囊披錦繡翠軸卷瓊琚墨潤  
 冰文繭香銷蠹字魚翻黃桐葉老吐白桂花初舊德雙  
 遊處聯芳十載餘北朝榮庾薛西漢盛嚴徐侍講親華  
 宸徵吟一作詩步綺疏綴簾金翡翠賜硯玉蟾蜍序一作移秩東  
 南遠離憂歲月除承明期重入江海意何如

早秋望華清宮樹因以成詠

一作盧綸詩

可憐雲木叢滿禁碧濛濛色潤靈泉近陰清輦路通玉  
 壇標八桂金井識雙桐交映凝寒露相和起夜風數枝

盤石上幾葉落雲中燕拂宜秋霽蟬鳴覺晝空翠屏更  
隱見珠綴共瓊瓏雷雨生成早樵蘇禁令雄野藤高助  
綠仙果迴呈紅惆悵繚垣暮茲山聞暗蟲

和考功員外杪秋憶終南舊宅之作

一作和大理裴卿  
杪秋憶山下舊居

以下六首  
竹虛編詩

靜憶溪邊宅知君許謝公曉霜凝耒耜初日照梧桐澗  
鼠喧藤蔓山禽竄石叢白雲當嶺雨黃葉繞階風野菓  
垂橋上高泉落水中歡榮來自間羸賤賞曾通月滿珠  
藏海天清鶴在籠餘陰如可寄願得隱牆東

題金吾郭將軍石洑茅堂

雲戟曙沈沈軒墀清且深家傳成棟美堯寵結茅心玉

佩多依石油幢亦在林爐香諸洞暖殿影衆山陰草奏  
風生筆筵開雪滿琴客從龍闕至僧自虎溪尋瀟灑延  
清賞周流會素襟終朝惜塵步一醉見華簪

登棲霞寺

一作奉和寺  
蓋於棲霞寺

林香雨氣新山寺綠無塵遂結雲外侶共遊天上春鶴  
鳴金閣麗僧語竹房鄰待月水流急惜花風起頻何方  
非壞境此地有歸人迴首空門外皤然一幻身

逢南中使寄嶺外故人

見說南來處蒼梧指桂林過秋天更煖邊海日長陰巴  
路緣雲出蠻鄉入洞深信回人自老夢到月應沈碧水  
通春色青山寄遠心炎方難久客爲爾一霑襟



代員將軍罷戰後歸故里

結髮事疆場，全生到海濱。一作蜀鄉連雲防鐵嶺，同日破漁陽。  
牧馬胡天晚，移軍磧路長。枕戈眠古戍，吹角立繁霜。  
歸老勲仍在，酬恩虜未忘。行過邑里多，病對農桑劔。  
依塵橐，兵符寄藥囊。空下將猶逐羽林郎。

詠冬瑰花

本為中書李舍人昆  
李詠寄徐郎中之作

獨鶴寄煙霜，雙鸞思晚芳。舊陰依謝宅，新豔出蕭牆。  
蝶散搖輕露，鶯銜入夕陽。兩朝勝濯錦，風夜劇焚香。  
麗日千層豔，孤霞一片光。密來驚葉少，動處覺枝長。  
布影期高賞，留春爲遠方。嘗聞贈瓊玖，叨和愧升堂。

風勢只向同，於北雲山，於喜，於然，於南。

風候已應同嶺北雲山仍喜似終南

題漳浦驛方輿勝覽

褚朝陽

褚朝陽登天寶進士第詩三首

登聖善寺閣

一題作登少室山

飛閣青霞裏先秋獨早涼天花映

一作散

窗近月桂拂簷香

華岳三峰小黃河一帶長空間

一作聞

指歸路煙際有垂楊

五絲

越人傳楚俗截竹競縈絲水底深休也日中還賀之章

施文勝質列匹美於姬錦繡侔新段羔羊寢舊詩但誇

端午節誰薦屈原祠把酒時伸奠汨羅寧遠而

奉土徐中書

中禁仙池越鳳凰池邊詞客紫薇郎既能作頌雄風起  
何不時吹蘭蕙香

蘇源明字弱夫武功人天寶中登第累遷國子司業  
山之亂不受僞署肅宗復兩京擢考功郎中祿祿善少  
與杜肅鄭夔善詩二首

小洞庭河源亭讌四郡太守詩

天寶十二載七月辛丑東平太守扶風蘇源明鴈

濮陽太守清河崔公季重魯郡太守隴西李公蘭

濟南太守太原田公琦濟陽太守隴西李公俊于

河源亭既尊對壘乃密惠好前此瀋陽以河堤之

虞未沒之弊請禽略我宿級原之中都百公訟其

風何已廣同嶺北雲山仍喜似絲雨

朝陽

楮朝陽登天寶進士第詩三首

登聖善寺閣

飛閣青霞裏先秋獨早涼天花映寶窗近月桂拂簷香

華岳三峰小黃河一帶長空聞曉鐘指歸路煙際有垂楊

五絲

越人傳楚俗截竹裁絲永感深休也日中暈質也草

施文勝質列匹美於姬錦繡伴新衣羔羊裘舊詩但誇

阿不却文蘭蕙香酒時伸奠酒羅窗遠而

中禁山出妓鳳凰水盡隨客紫舞酒鴉頭平於靴風祛

全唐詩

蘇源明

蘇源明字弱夫武功人天寶中登第累遷國子司業祿山之亂不受偽署肅宗復兩京擢考功郎中終祕書少監與杜甫鄭虔善詩二首

小洞庭洄源亭讌四郡太守詩

并序 序 亦缺一字

天寶十二載七月辛丑東平太守扶風蘇源明觴濮陽太守清河崔公季重魯郡太守隴西李公蘭濟南太守太原田公琦濟陽太守隴西李公俊于洄源亭既尊封壤乃密惠好前此濟陽以河堤之虞夫役之弊請落略我宿及魯之中都宿人訟其

不便源明請廢濟陽以平陰長清屬濟南盧東阿  
 歸我陽穀隸濮陽役均三邦利倍二邑不可則分  
 我壽西不濮陽東入濟陽魯之中都北入於我書  
 貢闔闔旨下陳留陳留太守王公盛德帝俞才美  
 入與自總連率實惟澄清命屬官湖城主簿王  
 子說會五太守於東平議縣乃不割郡亦仍舊已  
 事修讌姑以為別若夫階抱孤嶠軒飛度潭阻殘  
 暑於重林遞高秋於絕壑其盤何有牖鹿腴羊其  
 俎何有燔兔膾魴李下彫籠冰之以寒木瓜割鈎  
 刃巾之以疎紘禮交乎上當世高賢之相允樂動  
 乎下前古中和之合作抑抑焉堂堂焉奚一人之

富有而羣后之緝熙也。司土庀舟以待司功設祓  
以告徹饌更服陳羞潔尊自洄源起廣泊左拂蠶  
尾右遵吾山倒岬岫於波際指梁岑於林缺移搖  
敞豁曠眇虛曠太皞苗裔河記任宿伯禹山川空  
流濟汶所遇多感祇牢為歡倬態目成以留客孀  
容色授以勸酒繁絲疎管紛爾自會雅舞清唱條  
然同引既醉源明以手版扣舷而歌歌闋鳥獸聞  
之低昂而相鳴魚鼈聞之沿洄而或躍茲官吏安  
次而不易彼人庶樂業而不遷喜之哉樂之哉字  
湑泊曰小洞庭盛集五太守高讌云爾

小洞庭兮牽方舟風嫋嫋兮離平流牽方舟兮小洞庭

雲微微兮連絕崕層瀾壯兮緬以沒重巖轉兮起以忽

馮夷逝兮護輕橈蛟龍行兮落增一作中潮泊中湖一作潮兮澹

而閑並曲漱兮悵而還適予手兮非予期將解袂兮藪

子思尚君子兮壽厥身承明主兮憂斯人

史稱齊濟陽詩序縣郡似舊武其初議云

秋夜小洞庭離讌詩并序

源明從東平太守徵國子司業須昌外尉袁廣載

酒於洄源亭明日遂行及夜留讌會莊子若訥過

歸莒相里子同禕過如魏陽穀管城青陽權衡一

主簿在坐皆故人也徹饌新尊移方舟中有宿鼓

有汶簧濟上嫣然能歌者五六人共載止洄源東

柳門入小洞庭遲爽徬徨眇緬曠漾流商雜徵與



長言者啾焉合引潛魚驚或躍宿鳥飛復下真嬉  
遊之擇耳源明歌云云曲闌袁子曰君公行當揮  
翰右垣豈止典冑米廩邪廣不敢受賜獨不念四  
賢源明醉曰所不與君子及四三賢同恐懼安  
樂有如秋水晨前而歸及醒或說嚮之陳事源明  
局局然笑曰狂夫之言不足罪也乃志為序

浮漲湖兮莽迢遙川后禮兮扈予橈橫增沃一作兮蓬仙

延川后福兮易一作予舷一作月澄凝兮明空波星磊落兮

耿秋河夜既良兮酒且多樂方作兮奈別何右二詩太和中  
天平節度使令

孤楚立石有文題云自源明迄楚時僅八  
十年涇源亭涇泊已迷其處矣文見楚集

鄭虔

鄭虔棗陽人天寶初為協律郎坐事謫官明皇愛其才  
特置廣文館授為博士遷著作郎以陷安祿山貶台州  
司戶叅軍最善杜甫又與祕書監鄭審篇翰齊價虔工  
畫山水好書常苦無紙乃於慈恩寺貯柿葉數屋日往  
取葉肄書歲久殆盡嘗自寫其詩并畫以獻帝親署其  
尾曰鄭虔三絕今存詩一首

閨情

銀鑰開香閣金臺照夜燈  
長征君自慣獨臥妾何曾

畢耀

杜甫集  
作曜

畢耀官監察御史與杜甫善詩三百

古意

璇閨繡戶斜光入千金女兒倚門立橫波美目雖往來  
羅袂遥遥不相及聞道今年初避人珊珊挂鏡長隨身  
願得侍兒爲道意後堂羅帳一相親

情人玉清歌

一作張  
南容詩

洛陽有人名玉清

一作洛陽城中  
有人名玉清

可憐玉清如其名善踏斜

柯能獨立嬋娟花豔無人及珠爲帚玉爲纓臨春風吹  
玉笙悠悠滿天星黃金閣上晚妝成雲和曲中爲曼聲  
玉梯不得蹈搖袂兩盈盈城頭之日復何情

贈獨孤常州

見紀事

洪爐無久停日月速若

一作如

飛忽然衝人身飲酒不須疑

章濟

韋濟思謙之孫嗣立之子早以辭翰聞開元初調補郵  
城令對詔第一擢醴泉令爲政簡易三遷庫部員外郎  
歷戶部侍郎天寶七載再爲河南尹遷尚書左丞三代  
皆省轄衣冠榮之詩一首

奉和聖製次瓊嶽應制

陸海披晴雪干旗獵早陽岳臨秦路險河遶漢垣長行  
漏通鳩鵲離宮接建章都門信宿近歌舞從周王

田澄

一作登

田澄天寶時官獻納使起居舍人杜甫嘗有詩贈之詩

一首

成都爲客作

蜀郡將之遠城南萬里橋衣緣鄉淚濕貌以客愁銷地  
富魚爲米山芳桂是樵旅遊唯得酒今日過明朝

沈東美

沈東美佺期子初爲府椽天寶中除膳部員外郎詩一

首

奉和苑舍人宿直曉翫新池寄南省友

傳聞閭闔裏寓直有神仙史爲三墳博郎因五字遷晨  
臨翔鳳沼春注躍龍泉去似登天上來如看鏡前影搖  
宸翰發波淨列星懸旣濟仍懷友流謙欲進賢彈冠聲  
實貴覆被渥恩偏溫室言雖阻文場契獨全玉珂光赫  
奕朱綬氣蟬聯興逸潘仁賦名高謝朓篇青雲仰不遠

白雲和難牽冉冉胡爲此甘心老歲年

蘇渙

蘇渙嘗訪杜甫於江浦甫請誦新作有詩美之渙善放

白弩巴中號爲弩跖後變節從學鄉賦擢第累遷至侍

御史佐湖南崔中丞權幕府崔遇害遂踰嶺扇動哥舒

晃跋扈交廣伏誅詩四首

變律

本十九首  
今存三首

日月東西行寒暑冬夏易陰陽無停機造化渺莫測

一本  
作日

月東西行照在大荒北其  
中有燭龍靈怪人莫測

開目爲晨光

一作  
暉

閉目爲夜色一開復一

閉明晦無休息居然六合外

一作  
內

曠哉天地德天地且不

言世人浪

一作  
強

喧喧

里辭不

毒蜂成一窠高挂惡木枝行人百步外目斷魂亦飛長  
安大道邊傍一作傍挾彈誰家兒右手持金丸引滿無所疑一  
中紛下來勢若風雨隨身如萬箭攢宛轉迷所之徒有  
疾惡心奈何不知幾

養蠶為素絲葉盡蠶不老傾筐對空林此意向誰道一  
女不得織萬夫受其寒一夫不得意四海行路難禍亦  
不在大福亦不在先世路險孟門吾徒當勉旃

贈零陵僧

一本下有兼送謁徐廣仲六字一作  
懷素上人草書歌第十九句缺一字

張顛沒在二十年謂言草聖無人傳零陵沙門繼其後  
新書大字大如斗與來走筆如旋風醉後耳熱心更兇  
忽如襄旻舞雙劍七星錯落纏蛟龍又如吳生畫神鬼





全唐詩

劉昫虛

劉昫虛江東人天寶時官夏縣令詩一卷

江南曲

美人何蕩漾湖上風日

一作月

長玉手欲有贈裒回雙明璫

歌聲隨綠水怨色起青

一作朝一作春

陽日暮還家望雲波橫洞

房

九日送人

海上正搖落客中還別離同舟去未已遠送新相知流水意何極滿尊徒爾爲從來菊花節早已醉東籬

暮秋楊子江寄孟浩然

木葉紛紛下東南日煙

一作

霜林山相晚

一作

暮天海空

一作

青蒼暝色況復久秋聲亦何長孤舟兼微月獨夜仍越鄉寒笛對京口故人在襄陽詠思勞今夕江漢遙相望

潯陽陶氏別業

陶家習先隱種柳長江邊朝夕潯陽郭白衣來幾年霽雲明孤嶺秋水澄寒天物象自清曠野情何綿聯蕭蕭丘中賞明宰非徒然願守黍稷稅歸耕東山田

登廬山峰頂寺

孤峰臨萬象秋氣何高清天際南郡出林端西江明山門一緇叟振錫聞幽聲心照有無界業懸前後生雖一作徒知真機靜尚與愛網并方首金門路未遑參道情

尋東溪還湖中作

出山更回首日暮清溪深東嶺新別處數猿叫空林昔  
遊有初迹此路還獨尋幽興方在往歸懷復爲今雲峰  
勞前意湖水成遠心望望已超越坐鳴舟中琴

送韓平兼寄郭微

上客夜相過小童能酤酒卽爲臨水處正值歸鴈後前  
路望鄉山一作關近家見門柳到時春未暮風景自應有余

憶東州一作周人經年別來久殷勤爲傳語日夕念攜手兼

問前寄書書中一作中間復達否

寄閻防防時在終南  
非江德寺讀書

清冥南山口一作色君與緇錫鄰深路入古寺亂花隨暮春

紛紛對寂莫，往往落衣巾。松色空照一作照空水，經聲時有人。  
晚心復南望，山遠情獨親。應以修往業，亦惟立此身。深  
林度空夜，煙月資清真。莫歎一作欲文明日，彌年徒隱淪。

海上詩送薛文學歸海東

何處歸且遠，送君東悠悠。滄溟千萬里，日夜一孤舟。曠  
望絕國所，微茫天際愁。有時近仙境，不定若夢遊。或見  
青色古一作石孤山，百里一作丈秋。前心方杳眇，後路勞夷猶。離  
別惜吾道，風波敬皇休。春浮花氣遠，思逐海水流。日暮  
驅歌後，永懷空滄洲。

越中問海客

風雨滄洲暮，一帆今始歸。自云發南海，萬里速如飛。初

謂落何處永將無所依冥茫漸西見山色越中微誰念  
去時遠不經此路稀泊舟悲且泣使我亦霑衣浮海焉  
用說憶鄉難久違縱爲魯連子山路有柴扉

闕題

道由白雲盡春與青溪長時有落花至遠隨流水香閑  
門向山路深柳讀書堂幽映每白日清輝照衣裳

寄江滔求孟六遺文

南望襄陽路思君情轉親偏知漢水廣應與孟家鄰在  
日貪爲善昨來聞更貧相如有遺草一爲問家人

謝木積雪爲小山

飛雪伴春還春庭曉自閑虛心應任道遇賞遂成山峰

小形全秀巖虛勢莫攀以幽能皎潔謂近可循環孤影  
臨冰鏡寒光對玉顏不隨遲日盡留顧歲華間

日食  
贈喬琳

一作張  
謂詩

去年上策不見收今年寄食仍淹留羨君有酒能共醉  
羨君無錢能不憂如今五侯不待客羨君不問五侯宅  
如今七貴方自尊羨君不過士貴門丈夫會應有知己  
世上悠悠何足論

蒺藜花歌

一作岑  
參詩

昨日一蒺藜今日一花開今日花正好昨日花已老人  
生不得長鬢少年莫惜牀頭酤酒錢請君有錢向酒家  
君不見蒺藜花

句

歸夢如春水悠悠遶故鄉

駐馬渡江處望鄉待歸舟

夢城春水秋愁真妙機  
銀曲新  
玉漱卦



全唐詩

息夫牧

息夫牧蕭穎士門人詩一首

冬夜宴蕭十丈因餞殷郭二子西上

并序

序云冬十有二月家君宰邑許下夫子問津穎上

二賢將馳會府皆適茲土夜處狹室列座有位尊

卑儼如或捧觴上壽或摳衣請益始崇詩以闕禮

終講信而脩睦然後文飽於德義潤其身頃夫子

升堂之後若盧賈劉尹之徒半紀間接武鳴躍實

夫子訓之導之斯至也今殷郭二子天資才幹而

加之鏃羽觀光王庭俯拾地芥其誰曰不然飛霜

靄林寒氣總至月落匝户夜將向晨座隅謙謙畢  
 醉温克則知孔門宴饑異於他日二三子終身識  
 之夫子以家君政事百里無事命門弟子賦詩鳴  
 琴亦以釋他離之怨焉小子不敏忝居門人之末  
 敢不敬書其事詩曰  
 有琴斯鳴于宰之庭君子莅止其心孔平政既告成德  
 以永貞鳴琴有術于穎之畔彼之才髦其年未冠聞詩  
 聞禮斐兮璨璨鳴琴其怡于穎之湄二子翰飛言戾京  
 師有鬱者桂爰一作攀其枝琴既鳴矣宵既清矣烘煨有  
 煒酒醴惟旨喟我寤歎吁其別矣

宋華

宋華漢陽宴詩一首

蟬鳴一篇五章

并序

蟬鳴感秋興送將歸也僻守外邑而蘭陵子相過  
詰朝言歸賦詩見志以申贈焉

蟬其鳴矣於彼疎桐庇影容跡何所不容嘒嘒其長永  
託于風未見君子我心忡忡既見君子樂且有融

彼蟬鳴矣於林之表含風飲露以樂吾道有懷載遷伊  
誰云保未見君子我心悄悄既見君子披豁予抱

蟬鳴蟬鳴幽暢乎而肅肅爾庭遠近涼颺言赴高柳叢  
篁間之思而不見如渴如饑亦既覲止我心則夷

蟬鳴伊何時運未與匪歎秋徂怨斯路阻願言莫從鬱

悒誰語君子至止慰我延佇何斯違斯倏爾遐舉  
歲之秋深蟬其夕吟披衣軒除蕭蕭風林我友來斯言  
告離衿何以叙懷臨水鳴琴何以贈言委順浮沈

鄒象先

鄒象先開元二十三年進士與蕭穎士為同年生仕臨

渙尉詩一首

寄蕭穎士補正字

一本無補正字三字

六月度開

一作

雲三峯翫山翠爾時黃綬屈別後青雲致

按紀事象先尉臨渙穎士自京邑無成東歸有贈象先詩來年蕭補正字象先寄詩重述前事蕭後亦有答詩

韋建

韋建開元天寶間人為河南令與蕭穎士劉

詩

二首

河中晚霽

湖廣舟自輕，江天欲澄霽。是時清楚望，氣色猶靈噎。踟躕金霞白，波上日初麗。煙紅落鏡中，樹木生天際。杳杳涯欲斑，濛濛雲復閉。言垂星漢明，又覩寰瀛勢。微興從此愜，悠然不知歲。試歌滄浪清，遂覺乾坤細。官念客衣薄，將期永投袂。遲迴漁父間，一作問一雁聲嘹唳。

泊舟盱眙

一作常建詩誤

泊舟淮水次，霜降夕流清。夜久潮侵岸，天寒月近城。平沙依鴈宿，候館聽雞鳴。鄉國雲霄外，誰堪羈旅情。

殷寅

殷寅陳郡人早孤事母以孝聞應宏詞舉為永寧尉與  
蕭穎士善詩二首

銓試後徵山別業寄源侍御

別業在徵山登高望畿甸嚴令天地肅城闕如何見藹  
藹王侯門華軒日遊衍幸逢休明代山虜尚交戰投策  
去園林率名皆拜選聖君性則哲濟濟多英彥裴楷能  
清通山濤急推薦謏才甘自屏薄伎忝餘眷雖承國士  
恩尚乏中人援疇昔相知者今茲秉天憲朱紱何赫赫  
綉衣復蔥蒨

玄元皇帝應見賀聖祚無疆

應曆生周日脩祠表漢年復茲秦嶺上更似霍山前昔

贊神功啓今符聖祚延已題金簡字仍訪玉堂仙睿祖  
光元始曾孫體又玄言因六夢接慶叶九齡傳北闕心  
超矣南山壽固然無由同拜慶竊抃賀陶甄

柳中庸

柳中庸名淡以字行河東人宗元之族御史并之弟也  
與弟中行皆有文名蕭穎士以女妻之仕爲洪府戶曹  
詩十三首

秋怨

玉樹起涼煙疑情一葉前別離傷曉鏡搖落思秋弦漢  
壘關山月胡笳塞北天不知腸斷夢空遶幾山川

春思贈人

全唐詩  
四  
紅粉當三五青娥艷一雙綺羅迴錦陌弦管入花江落  
雁驚金彈拋杯瀉玉缸誰知褐衣客顛顛在書窗

幽院早春

草短花初拆苔青柳半黃隔簾春雨細高枕曉鶯長無  
事含閑夢多情識異香欲尋蘇小小何處覓錢塘

寒食戲贈

春暮越江邊春陰寒食天杏花香麥粥柳絮伴鞦韆酒  
是芳菲節人當桃李年不知何處恨已解入箏弦

聽箏

抽弦促柱聽秦箏無限秦人悲怨聲似逐春風知柳態  
如隨啼鳥識花情誰家獨夜愁悲燈影何處空樓思月



明更入幾重離別恨江南岐路洛陽城

河陽橋送別

黃河流出有浮橋晉國歸人此路遙若傍闌干千里望  
北風驅馬雨蕭蕭

征

一本下  
有人字怨

歲歲金河復玉關朝朝馬策與刀環三春白雪歸青塚  
萬里黃河遶黑山

涼州曲二首

關山萬里遠征人一望關山淚滿巾青海戍頭空有月  
黃沙磧裏本無春

高檻連天望武威窮陰拂地戍金微九城弦管聲遙發

一夜關山雪滿飛

江行

繁陰乍隱洲，落葉初飛浦。  
蕭蕭一作蕭蕭楚客帆暮入寒

一作日暮秋

江雨

丁評事宅秋夜宴集

翠幙卷回廊，銀燈開後堂。  
風驚擁砌葉，月冷滿庭霜。  
綺席人將醉，繁弦夜未央。  
共憐今促席，誰道客愁長。

夜渡江

一作姚崇詩

夜渚帶浮煙，蒼茫晦遠天。  
舟輕不覺動，纜急始知牽。  
聽笛遙尋岸，聞香暗識蓮。  
唯看去帆影，常恐一作似客心懸。

揚子途中

楚塞望蒼然寒林古戍邊秋風人渡水落日雁飛天

崔惠童

崔惠童博州人右驍衛將軍冀州刺史延王之子尚明

皇晉國公主詩一首

宴城東莊

一作崔惠童詩

一月

一作

笑幾回相逢相識

一作

且銜杯酒看春色如

流水今日殘花昨日開

崔敏童

崔敏童駙馬都尉惠童之昆弟也詩一首

宴城東莊

一戶台

今與詩

夜歸江雪

五言

繁陰乍隱洲落葉初飛浦蕭蕭一作蕭蕭楚客帆暮入寒

江雨

丁評事宅秋夜宴集

翠幙卷回廊銀燈開後堂風驚擁砌葉月冷滿庭霜  
綺席人將醉繁弦夜未央共憐今促席誰道客愁長

夜渡江

一作姚

夜者帶浮煙蒼茫晦遠天舟輕不覺動纜急始知牽  
聽笛遙尋岸聞香暗識蓮唯看去帆影常恐一作客心懸  
焚塞望蒼然寒林古木對林風入鄭水蒼日郵飛天

全唐詩

崔惠童

崔惠童博州人右驍衛將軍冀州刺史庭玉之子尚明  
皇晉國公主詩一首

宴城東莊

一作崔惠童詩  
一作崔惠童詩

一月主人

一作全

笑幾回相逢相識

一作值

且銜杯眼看春色如

流水今日殘

一作飛

花昨日開

崔敏童

崔敏童駙馬都尉惠童之昆弟也詩一首

宴城東莊

一年始有

一作又過

一年春百歲曾無百歲人能向花前

一作中幾

回醉十千沽酒莫辭貧一作煩

苗晉卿

苗晉卿字元輔潞州壺關人擢進士第累遷吏部郎中  
知選事久之進侍郎天寶二載較書判以御史中丞張  
倚之子奭為第一議者不平帝御花萼樓覆寶奭持紙  
終日筆不下人謂之曳白坐貶安康太守俄充河北採  
訪使肅宗召赴行在拜左相廣德中以太保致仕永泰  
初卒謚懿獻詩一首

奉和聖製早登太行山中言志

金吾戒道清羽騎動天聲砥路方南絕一作紀重巖始北征

關樓前一作遠河邑下觀平喜氣迴輿合祥風入一作轉旆輕

祝堯三老至會禹百神迎月令農先急春蒐禮復一作後行  
仍親后土祭更理晉陽兵不似勞車轍空留八駿名

賈耽

賈耽字敦詩滄州南皮人天寶中舉明經授臨清縣尉  
上疏論時政改正平尉從事河東檢校膳部員外郎歷  
邠州刺史政績茂異入爲鴻臚卿自大曆至貞元三爲  
節鎮徵拜右僕射同中書門下平章事在相位十三年  
世稱其淳德耽好地理學外國使至必訊其山川土俗  
因謨海內華夷圖及古今郡國縣道四夷述四十卷表  
獻之詩一首

賦虞書歌

衆書之中虞書巧體法自然歸大道不同懷素只攻顛  
豈類張芝惟創草形勢素筋骨老子君臣相揖抱孤  
青似竹更颯颯濶白如波長浩渺能方正不隳倒功夫  
未至難尋與須知孔子廟堂碑便是青箱中至寶

趙居貞

趙居貞鼓城人歷吳郡採訪使天寶中官北海郡太守

詩一首

雲門山投龍詩

并序 序首行缺一字 詩第十八句缺二字

有唐天寶玄默歲

月己巳中散大夫使持節北

海郡諸軍事北海郡太守柱國天水趙居貞登雲

門山投金龍環壁奉爲開元天地大寶聖文神武



皇帝祈福也先是投禮太守不行以掾吏代之余  
是年病日戾止以爲聖上祈祐宜牧守躬親吏輒  
代非禮也余撰良日爰及中元下元並躬行爲聖  
上祈壽祝拜焚香投龍禮畢有瑞雲從洞門而出  
五色紛郁迴翔空中聲曰皇帝壽一萬一千四百  
歲預禮者悉聞之余乃手舞足蹈賦詩以歌其事  
遂於巖前刻石壁以紀之

曉登雲門山直上一千尺絕頂彌孤聳盤途幾傾窄前  
對豎裂峯下臨削成壁陽燾靈芝秀陰崖半瓦赤大壑  
靜不波渺溟無際極是時雪初霽沍寒水更積披展送  
龍儀寧安服狐白沛恩惟聖主祈福在方伯三元章醮

昇五域

覲帝幕翠微  
茵丹洞闢祝起鳴天鼓

拜傳端素冊  
霞間朱紱紫嵐際  
黃裳襲玉策  
奉誠信仙佩  
俊奔驛香氣入岫門  
瑞雲出巖石  
至誠必招感  
大福旋來格空中  
忽神言帝壽萬千百

蕭華

蕭華徐國公嵩之子  
天寶末歷官兵部侍郎  
上元初以中書侍郎同平章事  
忤李輔國矯詔罷爲禮部侍郎  
尋貶峽州司馬卒詩一首

扈從迴鑿應制

粵在

一作自

秦京日議乎  
封禪難豈知  
陶唐王道濟  
蒼生安

惟彼烈祖事  
增修實榮觀  
聲名朝萬國  
玉帛禮二壇  
纂

聖德重光建元功載刊仍開舊馳道不記昔迴鑿羽

衛一作騎一作搖晴日弓戈生早寒猶思檢玉處却望白雲端

李岑

李岑天寶中宋州刺史詩二首

西河郡太原守張夫人輓歌

鵲印慶仍傳魚軒寵莫先從夫元凱貴訓子孟軻賢龍

是雙歸日鸞非獨舞年哀榮今共盡悽愴杜陵田

玄元皇帝應見賀聖祚無疆

皇綱歸有道帝系祖玄元運表南山祚神通北極尊大

同齊日月興廢應乾坤聖后趨庭禮宗臣稽首言千官

欣肆覲萬國賀深恩錫宴雲天接飛聲雷地喧祥光浮

紫閣喜氣繞皇軒未預承天命空勤望帝門

元友讓

元友讓元結子見永州志按元結集載長子友直次子友正此蓋其幼子也詩一首

復游浯溪

昔到纔三歲今來鬢已蒼  
剝苔看篆字薙草覓書堂  
引谷登臺上呼童掃樹旁  
石渠疏擁水門徑斲藜篁  
田地潛更主林園盡廢荒  
悲涼問耆耄疆界指垂楊

蔣冽

蔣冽儀鳳中宰相高智周之外孫第進士考功員外郎終尚書左丞詩七首

南溪別業

結宇依青嶂開軒對綠疇樹交花兩色溪合水同

一作重流

竹徑春

一作風

來掃蘭尊夜不收逍遙自得意鼓腹醉中遊

古意

冉冉紅羅帳開君玉樓上畫作同心鳥銜花兩相向春  
風正可憐吹暎綠窗前妾意空相感君心何處邊

臺中書懷

持憲當休明飭躬免顛沛直繩備豪右正色清冠蓋寄  
切才根薄職雄班匪大坐居三獨中立在百僚外簡牘  
時休暇依然秋興多披書唯骨鯁循跡少閑和庭樹凌  
霜柏池傾菱露荷歲寒應可見感此遂成歌

經理輪地

漢家張御史晉國綠珠樓時代邈已遠共謝洛陽秋洛

陽大道邊舊地尚依然下馬獨太息擾擾城市喧時一作詩

人欣一作歎綠珠詩滿金谷園千載埋輪地無人興一言正

直死猶忌况乃未死前汨羅有翻浪恐是嫌屈原我聞

太古水上與天相一作漢連如何一落地又作九曲泉萬古

惟高步可以旌我賢一本無如何以下四句

山行見鵲巢

鵲巢性本高更在西山木朝下清泉戲夜近明月宿非

直避網羅兼能免傾覆豈憂五陵子挾彈來相逐

巫山之陽香谿之陰明妃神女舊跡存焉

神女歸巫峽明妃入漢宮  
擣衣餘石在薦枕舊臺空  
行雨有時度谿流何日窮  
至今詞賦裏悽愴寫遺風

夜飛鵲

北林夜月影頻移何啻飛三匝  
猶言未得枝

蔣渙

蔣渙洌之弟擢進士天寶末爲給事中永泰初歷鴻臚卿  
日本使嘗遺金帛不受惟取牋一番爲書以貽其副  
終禮部尚書詩五首

途次維揚望京口寄白下諸公

北望情何限南行路轉深  
晚帆低荻葉寒日下楓林  
雲白蘭陵渚煙青建業岑  
江天秋向盡無處不傷心

登栖霞寺塔

三休尋磴道九折步雲霓  
灑澗臨江北郊原極海西  
沙平瓜步出樹遠綠楊低  
南指晴天外青峯是會稽

和徐侍郎

一有中

書叢篠韻

一無韻字

中禁夕沈沈幽篁別作林  
色連雞樹近影落鳳池深  
爲重凌霜節能虛應一作爽  
物心年年承雨露長對紫庭陰

故太常卿贈禮部尚書李公及夫人輓歌二首

白簡嘗持憲黃圖復尹京  
能標百郡則威肅一朝清  
典秩崇三禮臨戎振五兵  
更聞傳世業才子有高名  
封樹遵同穴生平此共歸  
鏡埋鸞已去泉掩鳳何飛  
薤輓疑笳曲松風思翟衣  
揚名將寵贈泉路滿光輝



段懷然

段懷然台州刺史天寶中人詩一首

挽湧泉寺僧懷玉

尚僧傳玉修淨土業天寶元年感瑞往生

我師一念登初地佛國笙歌兩度來唯有門前古槐樹  
枝低只為挂銀臺

張僊

張僊九齡族孫見宰相世系表紀事云天寶至德間人  
詩一首

辭房相公

秋風颯颯雨霏霏愁殺栖遑一布衣辭君且作隨陽鳥

一作海內無家何處歸

陳孫

陳孫明皇時人詩一首

移耶溪舊居呈陳元初校書

雞犬漁舟裏長謠任興行  
即令邀客醉已被遠山迎  
書笈將非重荷衣著甚輕  
謝安無個事忽起爲蒼生

李峯

李峯開州刺史詩一首

西河郡太原守張夫人挽歌

一作李峯詩

鵲印慶仍傳魚軒寵莫先  
從夫元凱貴訓子孟軻賢  
龍是雙歸月鸞非獨舞  
年哀一作榮今共盡悽愴杜陵田

全唐詩

沈千運

沈千運吳興人家於汝北為詩力矯時習一出雅正王  
季友于逃孟雲卿張彪趙徵明元季川皆其同調也乾  
元中季川兄結嘗編七人詩為篋中集千運為之冠詩  
五首

感懷弟妹

一作汝墳  
示弟妹

今日春

一作天

氣暝東風杏花拆筋力久

一作又

不如却羨

一作慙歎

澗

中石神仙杳難準

一作信

中壽稀

一作纔

滿百近世多天傷喜見

鬢

一作髭

髮白杖藜竹樹間宛宛舊行

一作行舊

跡豈知林園

一作園中

主

却是林園

一作園中

客兄弟可

一作所

存半空為亡者惜冥冥

一作冥

無

再期哀哀望松柏骨肉能幾年大自一作漸疎隔性情誰

免此與我不相易一作而我何不易唯念一作願得爾輩時一作相看慰朝夕

平生茲已矣此外盡非適

贈史脩文

故人阻一作賜千里會面非別一作前期握手於此地當歡反成

悲念離宛猶昨俄已經數一作二十期疇昔皆少年別來鬢一作髮

如絲不道舊姓名相逢知是誰曩遊盡騫翥與君仍布

衣豈曰無其才命理應有時別路漸欲少不覺生涕洟

濮中言懷

聖朝優賢良草澤無遺匿一作志生各有命一作在余胡不淑

一作教一生但區區五十無寸祿衰退當棄捐貧賤招毀一作時

禍作讞栖栖去人世屯躓日窮迫不如守田園歲晏望豐  
熟壯年失宜盡老大無筋力始覺一作前計非將一作貽後  
生福童兒新學稼一作稿少一作女未能織顧此煩知已終日  
求衣食

山中作

栖隱非別一作別無事所願離風塵不辭城邑遊禮樂均束人

邇來歸山林庶一作世事皆吾身何者為形骸誰是智與仁

一作辯智與諸仁寂莫了閑事而一作後知天真咳唾矜一作崇華迂俯

相屈伸如何巢與由天子不知一作得臣

古歌

北邙不種田但種松與柏松柏未生處留待市朝客

王季友

王季友河南人家貧賣履博極羣書豫章太守李勉引  
為賓客甚敬之杜甫詩所謂豐城客子王季友也詩十  
一首

別李季友

栖鳥不戀枝啾啾在同聲行子馳一作遲出戶依依主人情  
昔時霜臺鏡醜婦羞爾形閉匣二十年皎潔常獨一作猶明  
今日照離別前途白髮生

寄韋子春

一作山中贈  
十四秘書兄

出山秋雲曙

一作秘  
芸署

山木一作色

已再春食我山中藥不憶山

中人山中誰余密白髮日相一作惟見

親雀鼠晝夜無知我厨

廩貧依依北舍松不厭吾南隣有情盡棄捐土石為同  
身夫子質千尋天澤枝葉新余以一作也不材壽非智免斧

斤

夫子以下四句  
篋中集本無

雜詩

采山仍

一作不

采隱在山

一作木

不在深持斧事遠遊固非

一作悲

匠

者心翳翳青桐枝樵爨日所侵斧

一作樵

聲出巖壑四聽無

知音豈為鼎下薪當復堂上琴鳳鳥久不栖且與枳棘

林

滑中贈崔高士瑾

夫子保藥命外身得無咎日月不能老化腸為

一作無

筋否

十年前見君甲子過我壽子

一作云

何今相逢華髮在我後

近而知其遠少見今白首遙信蓬萊宮不死世世有玄  
石采盈擔神方秘其時問家惟指雲愛氣常言酒攝生  
固如此履道當不朽未能太玄一作虛同願亦天地久實腹  
以芝朮賤形一作體乃芻狗自勉將勉余良藥在苦口

還山留別長安知己

出山不見家還山見家在山門是門前此去長樵采青  
溪誰招隱白髮自相待惟餘一作件澗底松依依色不改

代賀若一作枝令譽贈沈千運

相逢問姓名亦存別時無子今有孫山上雙松一作峯長不  
改百家一作年唯有三家村村南村一作東西車馬道一宿通舟

水浩浩澗一作河中磊磊十里石河上淤泥種桑麥一作河中遊泥種稻



平坡塚墓皆我親一作墓塚滿田一作主人是舊客舉聲酸鼻

問同年千人六七一作歸下泉分手如何更此地回頭不

語一作淚潛然下去

### 酬李十六岐

鍊丹文武火未成賣藥販履一作俱逃名出谷迷行洛陽

道乘流醉臥滑臺城城下故人久離怨一歡適我一作兩

家願朝飲杖懸沽酒錢暮餐囊有松花飯于何一作車馬

日憧憧李膺門館爭登龍千賓揖對若流水五經發難

如叩鐘下筆新詩行滿壁立談古人坐在席問我草堂

有臥雲知一作我山儲一作無儋石自耕自刈食為天如鹿

如麋飲野泉亦知世上公卿貴且養丘中草木年

宿東溪李十五山亭

上山下山入山

一作溪

谷溪中落日留我宿松石依依當主

人主人不在意

一作情

亦足名花

一作花石

出地兩重階絕頂平天

一小齋本意由來是山水何用相逢語

一作話又作憶

舊懷

觀于舍人壁畫山水

野人宿在人家少朝見此山謂山曉半壁仍棲嶺上雲

開簾欲放

一作放出

湖中鳥獨坐長松是阿誰再三招手起來

遲于公大笑向予說小弟丹青能爾為

玉壺冰

統籤云作此詩者另一王季友

玉壺知素結止水復中澄堅白能虛受清寒得白凝分

形同曉鏡照物掩宵燈壁映圓光入

一作出

人驚爽氣凌金

壘何足貴，瑤席幾回升。正值求珪瓚，提攜共飲冰。

古塞

一本有下字 曲 河嶽英靈集作陶翰詩紀事作王季友詩

進軍飛狐北，窮寇勢將變。日落沙塵昏，背河更一戰。驛馬黃金勒，彫弓白羽箭。射殺左賢王，歸奏未央殿。欲言塞下事，天子不召見。東出咸陽門，哀哀淚如霰。

于逖

于逖開元時人，李白獨孤及皆有詩贈之，亦與元結友善。詩二首。

野外行

老病無樂事，歲秋悲更長。窮郊日蕭索，生意已蒼黃。小弟髮亦白，兩男俱不強。有才且未達，况我非賢良。幸以

朽鈍姿野外老風霜寒鴉噪晚景喬木思故鄉魏人宅  
蓮池結網佇鱸魴水清魚不來歲暮空徬徨

憶舍弟

衰門少

鮮

兄弟兄弟唯兩人饑寒各流浪感念傷我神

夏期秋未來安知無他因不怨別天長但願見爾身茫  
茫天地間萬類各有親安知汝與我乖隔一作異同胡秦何  
時對形影憤懣當共陳

張彪

張彪穎洛間人天寶末將母避亂杜甫詩所稱張山人  
者是也詩四首

雜詩

富貴多勝事貧賤無良圖上德兼濟心中才不如愚商  
者多巧智農者爭一作多膏腴儒生未遇時衣食不自如久  
與故交別他榮我窮居到門懶入門何況千里餘君子  
有褊性矧一作况乃尋常徒行行任天地無為強親疎

神仙

神仙可學無百歲名大約天地何蒼茫一作茫茫人間半哀樂  
浮生亮多惑善事翻為惡爭先等馳驅一作驅逐中路苦瘦弱  
長老思養壽後生笑寂莫五穀非長年四氣乃靈藥列  
子何必待吾心滿寥廓

北遊還酬孟雲卿

忽忽忘一作望前事志願能相乖衣馬久羸弊誰信文與才

善道居貧賤潔服蒙塵埃行行無定心墮坎難歸來慈

母憂疾一作疾疹至家一作家念極哀一作極與君宿姻親深見中

外懷俟余惜時節悵望臨高臺

古別離

別離無遠近事歡情亦悲不聞車輪聲後會將何時去  
日忘寄書來日乖前期縱知明當返一息千萬思

趙徵明

趙徵明天水人工書竇泉述書賦稱之詩三首

回軍跋者

既老又不全始得離邊城一枝假枯木步步向南行去

時日一百來時月一作月程常恐道路旁掩棄狐兔塋所

願死鄉里到日不願生聞此哀怨一作詞念念不忍聽惜  
無異一作化人術倏忽具爾形

挽歌詞

寒日蒿上明淒淒郭東路素車誰家子丹旒引將去原  
下荆棘叢叢邊有新墓人間痛一作長傷別此是長別處曠  
野多蕭條青松一作風悲白楊樹

思歸

一作古離別

為別未幾日去日如三秋猶疑望可見日日上高樓惟  
見分手處白蘋滿芳洲寸心寧死別不忍生離憂

元季川

元季川大曆貞元間詩人也一云名融元結弟詩四首

泉上雨後作

風雨

一作動

蕩繁暑雷

一作雨

息佳霽

初衆峰帶雲雨

一作開

清氣

一作風

入我廬颯颯涼

一作鮮

颯來臨窺

一作窺

愜所圖綠蘿長新蔓

裹垂坐隅流水復簷下丹砂發清渠養葛為我衣種芋

一作芳

為我蔬誰是

一作能

畹與畦瀾漫連野蕪

登雲中

灌田東山下取樂

一作藥

在爾休清興相引行日日三四周

白鷗與我心不厭此中遊窮覽頗有適不極趣無幽悒

然歌采薇曲盡心悠悠

山中曉興

河漢降玄霜昨來節物殊

一作疏

媿無神仙姿豈

一作亦

有陰陽



俱靈鳥望不見慨然悲高梧華葉隨風揚珍條雜榛蕪  
爲君寒谷吟歎息知何如

古遠行

悠悠遠行者羈獨當時思道與日月長人無茅舍期出  
門萬里心誰不傷別離縱遠當白髮歲月悲今時何況  
異形容安須與爾悲

住

Vertical columns of text, mostly illegible due to fading and bleed-through.

古

Vertical columns of text on the left side, mostly illegible due to fading and bleed-through.

全唐詩

秦系

秦系字公緒會稽人天寶末避亂剡溪北都留守薛兼  
訓奏爲右衛率府倉曹參軍不就建中初客泉州南安  
有九日山大松百餘章俗傳東晉時所植系結廬其上  
穴石爲研注老子彌年不出張建封聞系不可致請就  
加校書郎自號東海釣客與劉長卿善以詩相贈答權  
德輿曰長卿自以爲五言長城系用偏師攻之雖老益  
壯其後東渡秣陵年八十餘卒南安人思之號其山爲  
高士峰詩一卷

晚秋拾遺朱放訪山居

不逐時人後終年獨閉關家中貧自樂石上卧常閑墜  
粟添新味寒花帶老顏侍臣當獻納那得到空山

題女道士居

不餌葷菜四十餘年  
一作馬戴詩

不餌住雲溪休丹罷藥畦杏花虛結子石髓任成泥掃  
地青牛卧栽松白鶴棲共知仙女麗莫是阮郎妻

山中枉張宙員外書期訪衡門

常恨相知晚朝來枉數行卧雲驚聖代拂石候仙郎時  
果連枝熟春醪滿甕香貧家仍有趣山色滿湖光

山中贈張正則評事

系時授右衛  
佐以疾不就

終年常避喧師事一作五千言流水閑過院春風與閉門

山茶邀上客桂實落前軒莫強一作教余起微官一作不足

論

題鏡湖野老所居

一作馬戴詩

湖裏尋君去樵風往返吹樹喧巢鳥出路細葑田移濕  
芋成魚網枯根是酒卮老年唯自適生事任羣兒

早秋宿崔業居處

從來席不暖爲爾便淹留雞黍今相會雲山昔共遊上  
簾宜晚景卧簟覺新秋身事何須問余心正四愁

贈烏程楊革明府

策杖政成時清溪弄釣絲當年潘子貌避病沈侯詩灑  
酒迎賓急看花署字遲楊梅今熟未與我兩三枝

徐侍郎素未相識時攜酒命饌兼命諸詩客同

訪會稽山居

忽道仙翁至幽人學拜迎  
華簪窺甕牖珍味代藜羹  
洗硯魚仍戲移樽鳥不驚  
蘭掌攀叙却會此越中營

春日閑居三首

一似桃源隱將令過客迷  
礙冠門柳長驚夢院鶯啼  
澆藥泉流細圍碁日影低  
舉家無外事共愛草萋萋  
長謡朝復暝幽獨幾人知  
老鶴兼雛弄叢篁帶笋移  
白雲將袖拂青鏡出簷窺  
邀取漁家叟花間把酒卮  
寂寂池亭裏軒窗間綠苔  
游魚牽荇沒戲鳥踏花摧  
小徑僧尋去高峯鹿下來  
中年曾屢辟多病復遲迴

題石室山王宁所居

罷官學道

白雲知所好柏葉幸加餐石鏡妻將照仙書我借看鳥  
來翻藥碗猿飲怕魚竿借問簷前樹何枝曾挂冠

送王道士

真人俄整舄雙鶴屢飛翔恐入壺中住須傳肘後方霓  
裳雲氣潤石徑木苗香一去何時見仙家日月長

將移耶溪舊居留贈嚴維秘書

一作留呈巖長史陳秘書

鷄犬漁舟裏長謠任興行那邀落日

一作即醉已被遠山

迎書篋

作履又作笈

將非重荷衣著甚輕謝安無箇事忽起爲

蒼生

秋日過僧惟則故院

衰草經行處微燈舊道場門人失譚柄野鳥上禪牀科

斗書空古梅檀鉢自香今朝數行淚却灑約公房

山中奉寄錢起員外兼簡苗發員外

空山歲計是胡麻窮一作江海無梁泛一槎稚子唯能覓梨

栗一作妻相共老烟霞高一作吟麗句驚巢鶴閑閑春風看

落花借問省一作中何水部今人幾箇屬詩家

獻薛僕射有序

系家于剡山向盈一紀大曆五年人或以其文聞

于鄴留守薛公無何奏系右衛率府倉曹參軍意

所不欲以疾辭免因將命者輒獻斯詩

由來那敢議輕肥散髮行歌自採薇逋客未能忘野興

辟書翻遣脫荷衣家中匹婦空相笑池上羣鷗盡欲飛



更乞大賢容小隱益看愚谷有光輝

鮑防員外見尋因書情呈贈

曾與系同七舉場

少小為儒不自強如今嬾復見侯王覽鏡已一作知身漸  
老買山將作計偏長荒涼鳥獸同三逕撩亂琴書共一  
牀猶有郎官來問疾時人莫道我佯狂

寄浙東皇甫中丞

閑閑麋鹿或相隨一兩年來鬢欲衰琴硯共依春酒甕  
雲霞覆著破柴籬注書不向時流說種藥空令道者知  
久帶紗巾仍藉草山中那得見朝儀

題章野人山居

一作馬戴詩

帶郭茅亭詩興饒回看一曲倚危橋門前山色能深淺

壁上湖光自動搖，閑花散落填書帙。  
戲鳥低飛礙柳條，向此隱來經幾載。  
如今已是漢家朝。

山中枉皇甫溫大夫見招書

十年木屐步苔痕，石上松間水自喧。  
三辟草堂仍被褐，數行書札忽臨門。  
卧多共息嵇康病，才劣虛同郭隗尊。  
亞相已能憐潦倒，山花笑處莫啼猿。

題茅山李尊師山居

一作巖  
維詩

天師百歲少如童，不到山中竟不逢。  
洗藥每臨新瀑水，步虛時上最高峰。  
籬間五月留殘雪，座右千年蔭老松。  
此去人寰今遠近，回看雲壑一重重。

耶溪書懷寄劉長卿員外

時在  
睦

時人多笑樂幽棲  
晚起閒行獨杖藜  
雲色卷舒前後嶺  
藥苗新舊兩三畦  
偶逢野果將呼子  
屢折荆釵亦爲妻  
擬共釣竿長往復  
嚴陵灘上勝耶溪

山中崔大夫有書相問

一作崔大夫有書問余山中

客在烟霞裏  
閑閑逐狎鷗  
終年長髀足  
連日半蓬頭  
帶月乘漁艇  
迎寒綻鹿裘  
已于人事少  
多被挂冠留  
素業堆千卷  
清風至一丘  
蒼黃倒藜杖  
偃倭覩銀鉤  
跡愧巢由隱  
才非管樂儔  
從來自多病  
不是傲王侯

張建封大夫奏系爲校書郎因寄此作

久是煙霞客  
潭深釣得魚  
不知芸閣上  
遺校幾多書  
會稽山居寄薛播侍郎袁高給事高參舍人

稷高今為相明君復是堯寧知買臣困猶負會稽樵

閒居覽史

長策胸中不復論荷衣藍縷閉柴門當時漢祖無三傑  
爭得咸陽與子孫

山中贈耿拾遺漳兼兩省故人

數片荷衣不蔽身青山白鳥豈知貧如今非是秦時世  
更隱桃花亦笑人

秋日送僧志幽歸山寺

一作馬戴詩

禪室繩床在翠微松間荷笠一僧歸磬聲  
手冷燈前自衲衣

題僧明惠房

簷前朝暮雨添花八十真僧飯一作麻入定幾時將出  
定不知巢燕汚袈裟

答泉州薛播使君重陽日贈酒

欲強登高無力也籬邊黃菊爲誰開共知不是潯陽郡  
那得王弘送酒來

題洪道士山院

霞外主人門不扃數株桃樹藥囊青閑行池畔隨孤鶴  
若問多應道姓丁

期王鍊師不至

黃精蒸罷洗瓊杯林下從留石上苔昨日圍碁未終局  
多乘白鶴下山來

題贈張道士山居

盤石垂蘿即是家  
回頭猶看五枝花  
松間寂寂無煙火  
應服朝來一片霞

山中書懷寄張建封大夫

昨日年催

新作

白髮新身如麋鹿  
不知貧時時亦被羣兒

笑賴有南山四老人

山中贈諸暨丹丘明府

荷衣半破帶莓苔  
笑向陶潛酒甕開  
縱醉還須上山去  
白雲那肯下山來

奉寄畫公

蓑笠以雛又童  
傍酒船湖山相引到房前  
團一作蕉何事教人

見暫借空牀守坐禪

宿雲門上方

禪室遙看峰頂頭白雲東去水長流  
松間儻許幽人住

不更將錢買沃州

一作洲

即事奉呈郎中韋使君

時系試秘書省校書郎

久卧雲間已息機青袍忽著狎鷗飛  
詩興到來無一事郡中今有謝玄暉

曉雞

黯黯巖城罷鼓鼙數聲相續出寒棲  
不嫌驚破紗窗夢却恐爲妖半夜啼

晴窗深渺半空餘

煙籠翠黛如銷魂  
翠黛如銷魂  
醉歸出寒林  
不識驚如似管管

郭鐵

晴中今在燕支那

又個雲間白鳥歸  
青麻忽著眼  
幽深詩興隆  
來無一事

晴華奉呈源中章對

晉詩書

不似神靈莫若仙

野至空谷  
青麻直  
眼白雲東去  
水身流  
水間對  
松坐入

亦與陶士衣

長襟對空林  
守坐懸



全唐詩

任華

任華李杜同時人初爲桂州刺史叅佐嘗與賈京禁杜  
中丞嚴大夫牋多所致責又與庾中丞書云華本野人  
常思漁釣尋當杖策歸乎舊山非有機心致斯扣擊其  
亦狂狷之流歟詩三首

寄李白

古來文章有能奔逸氣聳高格清人心神驚人魂魄我  
聞當今有李白大獵一作賦鴻猷文嗤長卿笑子雲班張  
所作瑣細不入耳未知卿雲得在嗤笑限登廬山觀瀑  
布海風吹不斷江月照還空一作余愛此兩句登天台望

渤海雲垂大鵬飛山壓巨鰲背斯言亦好在一本無至於

他作多不拘常律振擺超騰旣俊且逸或醉中操一作掃紙

或興來一作興與走筆手下忽然一作有片雲飛眼前盡見孤峰出

而我有時白日忽欲睡睡覺歛然起攘臂任生知有君

君也知有任生未中間聞道在長安及余戾止君已江

東訪元丹邂逅不得見君面每常一作有時把酒向東望良久

見說往年在翰林胸中矛戟何森森新詩傳在宮人口

佳句不離明主心身騎天馬多意氣目送飛鴻對豪貴

承恩召入凡幾迴待詔歸來仍半醉權臣妬盛名羣犬

多吠聲有勅放君却歸隱淪處一本無處字高歌大笑出關去

且向東山爲外臣諸侯交迓馳朱輪白壁一雙買交者

黃金百鎰相知人平生傲岸其志不可測數

一本無數字

十年

為客未嘗一日低顏色八詠樓中坦腹眠五侯門下無

心憶繁花越臺上細柳吳宮側綠水青山知有君白雲

明月偏相識養高兼養閑可望不可攀莊周萬物外范

蠡五湖閩人傳

一作又聞

訪道滄海上丁令王喬每往還蓬萊

徑是曾到來方丈豈唯方一丈伊余每欲乘興往

一作遠

相

尋江湖擁隔勞寸心今朝忽遇東飛翼寄此一章表胸

臆儻能報我

一作以

片言但訪任華有人識

### 寄杜拾遺

杜拾遺名甫第二才甚奇任生與君別別來已多時何  
嘗一日不相思杜拾遺知不知昨日有人誦得數篇黃

絹詞吾怪異奇特借問果然

一本無然字

稱是杜二之所為勢

攫虎豹氣騰蛟螭滄海無風似鼓蕩華猷平地欲奔馳

曹劉俯仰慚大敵沈謝逡巡稱小兒昔在帝城中盛名

君一個諸人見所作無不心膽破郎官叢裏作狂歌丞

相閣中常醉臥前年皇帝歸長安承恩濶步青雲端積

翠扈游花匝匝披香寓直月團樂英才特達承天矐公

卿無

一作誰

不相欽羨只緣汲黯好直言遂使安仁却為掾

如今避地錦城隅幕下英寮每日相隨

一作就

提玉壺半醉

起舞捋髭鬚乍低乍昂傍若無古人制禮但為防俗士

豈得為君設之乎而我不飛不鳴亦何以只待朝廷有

知己已曾讀却無限書拙詩一句兩句在人耳如今看

之總無益又不能崎嶇傍一作倚朝市且當事耕稼豈得便

徒爾南陽葛亮爲友朋東山謝安作鄰里閑常把琴弄  
悶即攜樽起鶯啼二月三月時花發千山萬山裏此時  
幽曠無人知火急將書憑驛使爲報杜拾遺

懷素上人草書歌

吾嘗好奇古來草聖無不知豈不知右軍與獻之雖有  
壯麗之骨恨無狂逸之姿中間張長史獨放蕩而不羈  
以顛爲名傾蕩於當時張老顛殊不顛於懷素懷素顛  
乃是顛人謂爾從江南來我謂爾從天上來負顛狂之  
墨妙有墨狂之逸才狂僧前日動京華朝騎王公大人  
馬暮宿王公大人家誰不造素屏誰不塗粉壁粉壁搖

晴光素屏凝曉霜待君揮灑兮不可彌忘駿馬迎來坐  
堂中金盆盛酒竹葉香十栝五栝不解意一作起百栝已後  
始顛狂一顛一狂多意氣大叫一聲起攘臂揮毫倏忽  
千萬字有時一字兩字長丈二翕若長鯨潑刺動海島  
嶽若長蛇戍律透深草回環繚繞相拘連千變萬化在  
眼前飄風驟雨相擊射速祿颯拉動簷隙擲華山巨石  
以為點掣衡山陣雲以為畫興不盡勢轉雄恐天低而  
地窄更有何處最可憐裊裊枯藤萬丈懸萬丈懸拂秋  
水映秋天或如絲或如髮風吹欲絕又不絕鋒芒利如  
歐冶劍勁直渾是并州鐵時復枯燥何襜褕忽覺陰山  
突兀橫翠微中有枯松錯落一萬丈倒挂絕壁蹙枯枝

千魑魅兮萬魍魎欲出不可何閃屍又如翰海日暮愁  
陰濃忽然躍出千黑龍天矯偃蹇入乎蒼穹飛沙走石  
滿窮塞萬里颼颼西北風狂僧有絕藝非數仞高墻不  
足以逞其筆勢或逢花箋與絹素凝神執筆守恆度別  
來筋骨多情趣霏霏微微點長露三秋月照丹鳳樓二  
月花開上林樹終恐絆騏驥之足不得展千里之步狂  
僧狂僧爾雖有絕藝猶當假良媒不因禮部張公將爾  
來如何得聲名一旦誼九垓

魏萬

魏萬嘗居王屋山後名顯上元初登第初遇李白於廣  
陵白曰爾後必著大名於天下因盡出其文命集之其

還王屋山也白爲之序稱其愛文好古今存詩一首

金陵醉李翰林謫仙子

君抱碧海珠我懷藍田玉各稱希代寶萬里遙相燭長

卿慕蘭父子猷意已深平生風雲一作雅人暗合江海心去

秋忽乘興命駕來東土謫仙遊梁園愛子在鄒魯二處

一不見拂衣向江東五兩挂海一作淮月扁舟隨長風南遊

吳越徧高揖二千石雪一作雲上天台山春逢翰林伯宣父

敬項橐一作託林宗重黃生一長復一少相看如弟兄惕然

意不盡更逐西南去同舟入秦淮建業龍盤處楚歌對

一作醉吳酒借問承恩初宮買長門賦天迎駟馬車才高世

難容道廢可推命安石重攜妓子房空謝病金陵百萬



戶六代帝王都虎石據西江鍾山臨北湖湖山信爲  
美王屋人相待應爲岐路多不知歲寒在君游早晚還  
勿久風塵間此別未遠別秋期到仙山

崔宗之

崔宗之名成輔以字行日用之子襲封齊國公歷左司  
郎中侍御史謫官金陵與李白詩酒唱和常月夜乘舟  
自采石達金陵詩一首

贈李十二白

涼風八月白露滿空庭耿耿意不暢稍稍一作風葉聲  
思見雄俊士共話今古情李侯忽來儀把袂苦不早清  
論既抵掌玄談又一作絕倒分明楚漢事歷歷王霸道擔

囊無俗物訪古千里餘袖有匕首劍懷中茂陵書雙眸  
光照人詞賦凌子虛酌酒弦素琴霜氣正一作風氣凝潔平生  
心中事今日為君說我家有別業寄在嵩之陽明月出  
高岑清谿澄素光雲散窗戶靜風吹松桂香子若同斯  
遊千載不相忘

崔成甫

崔成甫官拔書郎再尉關輔貶湘陰有澤畔吟李白為  
之序其為陝縣尉時韋堅為陝郡太守兼水陸轉運使  
鑿潭望春樓下成甫因變得丁統反作都董反歌為得寶歌堅命  
舟人歌之成甫又廣為十闋今不傳存詩一首

贈李十二白

我是瀟湘放逐臣  
君辭明主漢江濱  
天外常求太白老  
金陵捉得酒仙人

嚴武

嚴武字季鷹華州人工部侍郎挺之之子以蔭調太原  
府參軍累遷殿中侍御史從明皇入蜀擢諫議大夫至  
德初房琯以其名臣子薦為給事中歷劍南節度使入  
為太子賓客兼御史大夫改吏部侍郎尋轉黃門侍郎  
再為成都尹以破吐蕃功進檢校吏部尚書封鄭國公  
最善杜甫其復鎮劍南甫往依之詩六首

寄題杜拾遺錦江野亭

漫向江頭把釣竿  
懶眠沙草愛風湍  
莫倚善題鸚鵡賦

何須不著鷄鷄冠腹中書籍幽時曬肘後醫方靜處看  
興發會能馳駿馬應須直到使君灘

酬別杜二

獨逢堯典日再覩漢官時未効風霜勁空慚雨露私夜  
鐘清萬戶曙漏拂千旗並向殊庭謁俱承別館追斗城  
憐舊路渦水惜歸期自注昔曾奉  
關公別巴嶺峰樹還相伴江雲更對垂  
試迴滄海擢莫妬敬亭詩祇是書應寄無忘酒共持但  
令心事在未宥鬢毛衰最悵巴山裏清援醒一作  
憐夢思

題巴州光福寺楠木

楚江長流對楚寺楠木幽生赤崖背臨谿插石盤老根  
苔色青蒼山雨痕高枝開葉鳥不度半掩白雲朝與暮

香殿蕭條轉密陰  
花龕滴瀝垂清露  
聞道偏多越水頭  
煙生霽歛使人愁  
月明忽憶湘川夜  
猿叫還思鄂渚秋  
看君幽靄幾千丈  
寂寞窮山今遇賞  
亦知鐘梵報黃昏  
猶臥禪牀戀奇響

班婕妤一作嚴

賤妾如桃李  
君王若歲時  
秋風一已勁  
搖落不勝悲  
寂蒼苔滿  
沈沈綠草滋  
絲華非此日  
指輦競何辭

巴嶺答杜二見憶

臥向巴山落月時  
兩鄉千里夢相思  
可但步兵偏愛酒  
也知光祿最能詩  
江頭赤葉楓愁客  
籬外黃花菊對誰  
跂馬望君非一度  
冷猿秋鴈不勝悲

軍城早秋

昨夜秋風入漢關，朔雲邊月一作雪滿西山。  
更催飛將追驕虜，莫遣沙場疋馬還。

韋迢

韋迢京兆人，為都官郎，歷嶺南節度行軍司馬。卒贈同州刺史。與杜甫友善，其出牧韶州，甫有詩送之。存詩二首。

潭州留別杜員外院長

江畔長沙驛一作澤相逢，纜客船大名詩獨步小郡海西偏。  
地濕愁飛鵬，天炎畏跼鳶。去留俱失意，把臂共潸然。

早發湘潭寄杜員外院長

北風昨夜雨江上早來涼  
楚岫千峰翠湘潭一葉黃  
故人湖外客白首尚為郎  
相憶無南鴈何時有報章

郭受

郭受大曆間人杜甫有酬郭十五判官詩蓋受曾為衡陽判官詩一首

寄杜員外

員外垂示詩因作此寄上

新詩海內流傳久舊德朝中屬望勞  
郡邑地卑饒霧雨江湖天濶足風濤  
松花酒熟傍看醉蓮葉舟輕自學操  
春興不知凡幾首衡陽紙價頓能高

衡陽出五家紙又云出五里紙